

VSCHINAUNCHA DA S-CHANF



LEDSCHA DA SALARISAZIUN

**Versiun per la radunanza cumünela dals
24.08.2022**

Ledscha da salarisaziun

As basand sün l'art. 11 da la constituziun cumünela relascha la radunanza cumünela la seguainta ledscha da salarisaziun pels commembers da las autoriteds cumünelas, e'ls ufficiants.

Art. 1

La remuneraziun annuela dal president cumünel importa CHF 40'000.00 brüt impü üna pauschela da CHF 3'600.00 per tuot las spaisas.

president
cumünel

In quista remuneraziun sun inclus eir tuot las tschantedas in ed our da vschinauncha, las lavuors preparatorias per quellas scu eir tuot las spaisas.

Remuneraziuns e spaisas per tschantedas externas chi vegnan pajedas tres terz vaun a favur dal president.

Il president cumünel nu survain üngüna 13evla peja.

Art. 2

Ils commembers da la suprastanza cumünela vegnan remuneros annuelmaing scu segua:

suprastanza
cumünela

Vicepresident cumünel CHF 8'000.00 brüt

Suprastanza cumünela CHF 6'000.00 brüt

Suppleant CHF 4'000.00 brüt

In quista remuneraziun sun inclus las tschantedas da suprastanza e radunanzas cumünelas scu eir las lavuors preparatorias per quellas.

Per la partecipaziun ad otras tschantedas u cuors vegnan ils commembers da la suprastanza cumünela remuneros tenor l'artichel 6 da quist regulativ.

Art. 3

Ils commembers da la cumischiun da gestiun vegnan remuneros tenor art. 6 da quista ledscha.

cumischiun da
gestiun

Art. 4

Ils commembers dal cussagl da scoula vegnan remuneros tenor art. 6 da quista ledscha.

cussagl da
scoula

Art. 5

Il president e'ls commembers da la cumischiun da fabrica vegnan remuneros tenor art. 6 da quista ledscha.

cumischiun da
fabrica

Art. 6

Ufficiants cumünels, commembers da la suprastanza (sainza president) e tuot ils commembers da cumischiuns tschernidas da la suprastanza u da la radunanza cumünela vegnan remuneros per la partecipaziun a tschantedas (cun protocol u notizcha d'acta) e cuors scu segua:

renumeraziun
e spaisas per
tschantedas e
cuors

Tschantedas ordinarias (peja per ura) CHF 40.00 brüt

Per lavurs utrò vegnan impü bunifichedas las spaisas da viedi scu eir eventuelas spaisas per manger e durmir tenor l'orden da persunel dal chantun Grischun.

Remuneraziuns e spaisas per tschantedas externas chi vegnan pajedas tres terz vaun a lur favur. In quist cas nu paun els fer valair las remuneraziuns e spaisas surnumnedas.

Art. 7

Sur d'eventuels cas speziels scu per exaimpel mandats ex-uffizi u rimplazzamaints chi nu sun resguardos in quista ledscha decida la suprastanza cumünela.

mandats
ex-uffizi

Art. 8

Ils commembers da la cumischiun administrativa da l'ouvra electrica cumünela vegnan indemnisos tenor il reglamaint approvo da la radunanza cumünela als 20.02.2019.

cumischiun
energia

Art. 9

Tuot ils impiegos e tuot ils lavuraints cumünels chi retiran üna peja ad uras suottastaun a l'orden da persunel dal chantun Grischun.

impiegos e
lavuraints
cumünels

Art. 10

Quist uorden es gnieu approvo da la radunanza cumünela dals ed aintra in vigur ils El rimplazza l'orden dals 24 october 2007.

entreda in
vigur

7525 S-chanf,
Vschinauncha S-chanf

Il president:

L'actuar:

sig Riet R. Campell

sig. Carlo Planta Wildenberg